



有懷堂筆目次

卷三

啓 共十篇

賀某督臺元旦啓 代


請范道尊師臺啓

請范道尊師臺壽啟

考妣忌辰謝紙享客啓

五旬祀親請客小啓

假旋考忌請客小啓



有懷堂卷  
迎秋讌集啓

辭年社飲啓

訂碁社啓

芹香社啓

襍著 共十二篇

圓圓賦

瘞鶴銘

元日雪跡

圓圓說

寄懷友人書

梅花箋

圓圓謚

圓圓評

圓圓詞

坐馱轎嘲

圓圓夢

題像

琴曲附譜 共二操

有懷堂筆卷三  
蓼莪操

哀辭操

三卷目終

有懷堂筆卷三

平水王永命劬庵著

啟

賀某督臺元旦啟 丙午代

鳳幄春回四始祥開三省龍堆景淑五層樓庇百僚  
欣占年旺午之期喜建月昌寅之會恭惟台臺道大  
補天功高振物銀幡影動靈暉首照於泰階仙木光  
浮新佑彌深於陽陌撐西南半壁青龍分左个之權  
節秦晉三天蒼宿暢震方之氣斗柄更角赫赫聖神

文武慶有臣曉籌轉宮洋洋雨暘寒燠紀咸若望公  
如歲香風轉蕙而汎蘭以人事君泰道拔茅而連茹  
曲度梅花纍纍民物躋甲帳羨調椒栢依依山河奠  
辛盤宣和一德千簷排送煖之司式序九流萬葉領  
開華之運瑞調玉律人瞻紫氣東來清徹冰壺魚涉  
銀塘北注多官賀歲咏歌昌熾之魯侯萬戶宜春嘉  
對舒長之化日某履茲正始共披三素之雲莫廁賓  
遊常鏤五色之士屬縻遠服阻賀巖臺拜手齋心敬  
祝如天之福含香判牘遙添不老之呼苑李無蹊春  
色遍分於寒谷栢椒有頌和光上浥於溫泉錫照無  
涯稱歡莫旣

請范道尊師台啟

晉關分衡師教原屬父教越臬移憲新恩總承舊恩  
自知報稱之難人歎遭逢之盛樽俎載修於燕喜園  
亭仰駐乎鸞旌恭惟師台道韻天悠神峯霞舉曠宇  
涵豫川之月和風嗟嵩岳之雲樓煩邊陲奠孔棘而  
銘武河東重鎮雄价藩而揆文守巡兼猷寧特霜清  
栢署兵民合憲咸識澤瀦薇垣念某平水腐草風受  
蟾窟之後除汾河枯魚久沾龍門之點化大造直同  
於天地洪恩敢背於生平侍門墻而問業常佩衣鉢

之真傳開燕會以抒忱敬攄藻芹之薄味謹涓某日  
擬擁尊車候爽氣於層霄秩蔬筵於別墅姑巔西廡  
雲屢起而帶山薰牖南臨風時來而度水雖無睨睨  
巧轉亦覺林鳥之能言縱乏葱鬱盈觀聊覩海榴之  
弄色一曲寫無邊之恩紀千鍾汎不盡之清瀾伏道  
齋迎滌觴肅進不但解頰屈坐分雙燭之餘輝抑且  
潤字質疑閱八磚之過影虔聽駟引佇望龍光

請范道尊師台壽啟

五岳留雲文筆與道山競秀二龍候月玉書共澄海  
生輝斗望逾尊天禧益迂恭惟師台嵩華誕瑞洛瀆  
儲精鑑徹冰壺晉闢同芟繁累風高鐵面河東獨起  
瘡痍憲司之爲治爲型庶僚因而丕振大德之必名  
必壽一理於是可徵值玉兔旣望之辰爲彩弧初懸  
之日預齋三宿肅戒一罇桂子滿月中猶可醉瑤池  
之酒桃李散天下尚堪培璿圃之花候爽氣于層霄  
恍玉槎浮來天上列清觴于別院訝瓊宮移在人間

松奏鳥歌雅讌接南極之駕山屏石坐艸筵攀西崑  
之遊煮圃石以延年漫自詫索爽度惠采山蔬而獻  
絮聊以當澗藻溪毛某傍水調清汾波絲絲念涓滴  
倚山眼潤姑嶺磊磊祝崗陵仰異龍光用虔鶴啟

考妣忌辰謝紙享客啟

紙花飛青每念椿忌而戴德楮葉化碧常悲萱辰以  
銘仁懷二人之去焉日遠一日而心愈近感諸公之  
賜也年增一年而情益多地庫裕金錢豈等諸持贈  
小子天庖儲帛幣要惟是推惠先人追嚴廿七年歲  
歲楮輪翻鴉黑慕慈十八載時時錢灰伴蝶紅積禮  
爲恩總緣恩在父母而無間疊報稱德奚啻德加生  
成以有終拜冥資之多頒媿稽首之少自旅爵澄新  
酒薦先敢以薦賓祭筵絜烝羊享親因之享客借此



一嚮一卮之敬用申百拜百謝之誠仰祈咸臨共昭特愛

五旬祀親請客小啟

雕弧慕遠天皇皇那將一日繡祿戀初地忽忽已負五旬念長蒿之無成咎忝生之奚補父恩懷疚母難自傷攀親顏而莫從仗賓集而如在恭依明午肅陳薦筵几豆盼親容有客想見霽色樽俎邀台座娛賓聊追歡容大人用光小子蒙慶

假旋考忌請客小啟

枉說祭田移俸資祀殊少空陳旅豆羈官廢烝已多計出千八百辰念忌辰而夢繞主側違嚴四十一載惕化載而哀動影堂憶廿齡罹孤歷少壯老之時遙徒媿知年達蚤痛弱體失怙遍身子孫之世衍深悔愛日奉遲百歲介親子之情誕日半而忌日將半人子何以堪此一朝邀享客之賜賓筵馨而祭筵同馨嘉客能不顧焉十八借光百千銘感

迎秋讌集啓

徂暑頓消寧煩驅炎賦困熱顯令乍啓且喜迓爽應  
清涼值茲廿八鷹擊之期益切雙梧鳳鳴之會緬憶  
留吟在一葉無端愁緒惱人但得索笑娛百朋差覺  
歡情勝舊新秋雨洗真見蓮謝柳疎之圖執炬香迎  
快同煙沉月添之景陳惟五簋措大風味訝奢乎飲  
須千觴騷人逸興敢褊也响嗒應天地不必階下歌  
兒警吐協宮商遑問場中儉父毫流虹水想見一班  
凌秋燭夜之才秀萃笏山動羅四座辨候碓聲之客

有懷堂集 卷三  
迎秋以俟向晨而臨

瘞鶴銘

雙鶴來自海郡棲余澹園因築舍於桃塢北顏曰鶴  
軒羽儀聲响每餘仙况一時客咏翩翩雜鶴韵喜見  
雌雄追舞素心朝夕對雙鶴不啻晤雙友云亡何余  
遊海東過江南欲觀雲鶴盡處忽接園丁手報一鶴  
憊矣余頓恙閱其稟雌緣悞觸繩籜而縊乃雄爲之  
狂叫鳴啄其身不食者旬日心甚矜之爰是涉江旋  
寓廣陵訪鶴群而納聘焉携其雌一更携其雄雌各  
一導舟淮徐青齊間而鶴蓬轉轉若近迄豫晉以還

則肩輿從之嗣是卸行輦貯鶴軒相其新舊雌雄乍  
見若卻熟睨若暱驚喜徙倚之狀觀者俱怡爲之謔  
四儀舞余因諭將僊鶴瘞杏苑西越春秋余復北上  
又一雄告憊及旋細訊園丁無他故余雖憤恙不平  
然已憊矣因念前雌有塚舉雄而並瘞之爲鶴塚銘  
銘曰  
先乎雌後乎雄舉而瘞之同其宮杏苑西梨花東象  
身白兮象頂紅軒有始塚有終靈禽到處遺仙風生  
也瑞死也隆臥虎岩堯拱鶴嵩

元日雪跋 元日雪詩卷

唐民無知恒忘天地間不能忘天地中之一日一月  
一風一雪則又唐民之無知而會知者不肖至無知  
亦至善忘真情高厚遑頌生成併天地中之一日一  
月一風一雪亦若視爲應有而無足異忽從壤歌前  
知所爲元日知所爲元日之雪奇之至也復從和聽  
中益知所爲元日益知所爲元日之雪又平之至也  
究從諸頌後履其境者謳集安其土者響應共知所  
爲元日共知所爲元日之雪奇之至平之至亦瑞之

至也嘻真異矣且氣渾穆春雰迷離終不能縷不肖  
胸中之知從天地中晰所爲一日一月一風一雪之  
若何奇若何平若何瑞也亦惟有聲逐諸大君子善  
頌後共知所爲元日共知所爲元日之雪而已

圓圓說

澹園新社名之曰圓蓋圓也觀天道於上察物理於  
下參人事於中忽得一數焉不受缺陷不矜圭角不  
墮曲隅不倚方稜不聽區紮不逞尖穎斯何數也殆  
卽佛祖之覺照一光老氏之渾圖一團吾夫子之多  
學一貫者歟正之曰圓道不喻也天惟圓日月星辰  
之序順物惟圓飛潛動植之情適人惟圓忠孝節廉  
之量餘而况一日之觴百年之誼而不奉之爲金鑑  
寶璣也者由是而知拘而不圓非期也圓而不滿非

期也圓滿而不離奇蹀躍脫洒流爽更非期也所以  
社約期圓每圓必放每圓必醉每圓必鼓動克滿而  
不能已圓之數亦恢恢乎未有量哉謂不然也客圓  
矣而噐圓情圓矣而文圓景圓矣而歌行記說無弗  
圓胡是之獅搏毬猱弄璋龍捕珠之有致有度無膠  
無偏耶圓至此神矣化矣無以加矣何以擬之圓社  
主人起而觴諸君子曰捧喝千衆頭頭是圓月落萬  
川處處皆圓坐客怡然曰正復如是是爲說

寄懷友人書

快友逸事思之爲勞逐緒紛披憶從何起偶抽一節  
送懷盟壇每見懷古人者雖偶爾一舉一動一話一  
言誌之必詳且近焉緣思慕之甚然也益信懷今人  
者卽偶爾一舉一動一話一言憶之必熟且近焉亦  
緣思慕之甚然也然則人有古今懷有遠近哉情之  
所摯拍地呼天意之方來鏤胸刻目忽憶澹寧園飲  
長春酒二次同人飲興綿渺氣吞廣陵子爾青函殊  
嗔其少尋且爲嗜味爲量壺依次較觔記醖覈數彼

時一舉一動一話一言沁人心脾此何如魔况可一  
二試而遂已耶當卽移檄邗上徵取長春多函爲吾  
黨盡興快事豈意斜風吹衣山川悠遠人北而酒亦  
隨之會見酒函雖北友面終西僮父應訝主人吻渴  
縱不解數千里徵取長春意也麾酒西歸余將嗣此  
踵至笏山有主客聳重開眉躍目揚銷繳前件並向  
來之一舉一動一話一言艷之美之懷之憶之謂余  
歸而復試之疇知旅况羈人竟不爾爾怪事也然不  
怪不奇向使余果歸廬踵事則厭窈恐前此之一舉  
一動一話一言不足憶不足懷併不足艷羨而思慕  
矣謂不然者長春在室過我無聞須知向來非飲酒  
也飲我儕之情飲我儕之興也飲我儕之一舉一動  
一話一言可誌之趣史可傳之軼文也抑飲我儕之  
一舉一動一話一言千里馳酣簡書若畫一函不剩  
餘瀝猶馨也余之痴狂書畢但知擲筆噓集高朋騷  
雅讀完想俱鼓掌咲喧矣呵呵

梅花箋

係梅花盤轉字箋文

梅花輪梅花輪酸肯辭頰月團梅上客團坐雪上人  
頭詩上唇六出漫因五出復巡渠做箇梅花主人酒  
味不計淡與醇快使那梅甌添薪梅卮滿勻飲不風  
流梅亦嘖剪梅也歌歌韵兒新觀梅也舞舞態兒蹲  
古來多少飲酒客誰是百年以後身君知麼同坐梅  
根老梅味幾得親莫負梅花春



圓圓謔

七縱八橫旋太虛元樞中儲流玉醪手挽酒泉逗華  
精栩栩風生賦樂胥排闥忽來群飲奏雪液泠泠添  
澤漱不是突兀合膜扣璇璣散霞擁團繡海涵萬象  
照玻瓈龍躍中淵斗煥犀蒼莽扈從捫盤提瀾空雲  
氣騰類齊蛟虬濡口復振臂蚪文蜿蜿翔雲鱗引經  
子弟畫軋易衍衍飲酒嘆圖瑞貫石何從衍大環海  
溢天荒入坐剛圓首丈夫肆追攀造化小兒語閒閒  
我亦藉手摹元化摘得謔言勿自詫星有光芒珠有

價醉入華渚虹相射

盡天龍入坐

...

...

...

...

...

...

圓圓評



問圓隨與方正孰勝曰方正勝問動囂與靜默孰勝

曰靜默勝問狂飲與莊竿孰勝曰莊竿勝然則圓圓

醉嘯之不可為訓也明矣何澹園與諸君子曰有事

於圓社曰有事於圓社之醉嘯味之樂之倡之和之

且咏歌贊歎之無已也豈非以知情者能作識文者

能述乎此不但風流文彩亦必有深情一往足以涵

一世之圭角色相蘊千秋之冲淡雅和夫圓之不可

衡方義也而方之不可先圓情也推此情也可以治

君親友昆之間環觀圓社孰非有情之人哉夫有情  
之人人必豪有情之文文必逸人有豪情脫物而亦  
不戾物文有逸情出世而亦不遺世蓋天下未有無  
情之人能爲豪舉亦未有無情之文能爲逸韵也然  
則圓醉也圓嘯也皆千古之豪舉逸韵也而其人其  
文皆生於情而不自知也

圓圓詞 北水仙子

圓圓圓蒲團筵圓圓圓蒲團筵偶偶偶向著洪爐  
裁雪共流連俺俺俺做箇冰盤肆傳你你你是  
箇飲中八仙偏偏偏認定大壘傾倒手力猛全全  
全全指望瓮頭春涎快快快喫得流星趕月口似  
川把把把把幾箇懶飲逸客都醉攣願願願無日  
高興聯飲不聚圓

坐馱轎嘲 一字至十字句

髡頭撞身擺宕難下難上糞屁當面放二馬高車魔

瘴犍輪搖轡苦相抗輿級貴賤男女同量兩頭車帳  
使司怒氣尙各掌皮鞭一日施刪千杖

圓圓夢

一夕圓飲觴久漏下客尙雷皦主人酒壓暫爾隱几  
爰至一所城闕層隆額署三酉又有壺宮璇閣左徘徊  
古垂綺席高肆含濤嗽精大率酣飲事也余闔覽周  
眎列宿咸顧忽一人古冠樸裳偉軀豐額若三代以  
上人起酌山壘觴余曰某儀狄也偶遭主疎潦倒麴  
蘖後儒不察附會亡國是寃也恐奕世因而執惡飲  
者之訓也惡飲不可訓又一人雲佩琢玉星弁耀金  
儼列侯尊長儀恪執圭瓚觴余曰某姬和也身膺藩

服毫而不德飲酒悔過繆限三爵是福也恐後世因而狃少飲者之箴也少飲不可箴又一人體髮星瞳駝背蒼髯殆鶴厖仙逸流高瀾漢黎觴余曰某東方朔也侍宴瑤池許令罄甌甃自恃滑稽不盡飲額飛餅遁竽貽以偷名是辱也恐後人因而竊移飲者之術也移飲不竊術又一人葛幘岸岸柔絲垂垂渾有道高人度蒲啣梓樽觴余曰某陶潛也遇酒輒醉不問從來矢節期嚴適量期寬籃輿頻舉曰我狂蕩是拘也恐後世因而方曠飲者之籬也曠飲不方籬又

一人烏巾全唐綠袍襲舊饒風流學士氣遙持詩瓢觴余曰某李白也聖主憐才賜飲狂吟斗酒百篇飲興愈真不達沆爽咎吟耽飲是誤也恐後人因而禁豪飲者之嘯也豪飲不禁嘯酬荅未竟騰起平臺群飲離坐環舉相向引觥欲醉然而幽宮衆駕呶號逡咻應接不暇旋身思收初不辨其某某者爲髡爲斗某某者爲阮爲畢爲劉夢幢將返圓客呼盧倏然驚悟客曰我儕飲多欲去俟子倦還盍觴之余曰適夢中得五大斗且告罷一笑而散餘瀝在口餘景在目

急抽毫記畢東方已曙

題像 答真樂圖贈 丙申

爾貌不莊爾神不揚胡為乎鬱居中央爾形則張爾  
 情則剛何取乎矯守垣墻倫理適當夫天限德性又  
 祛乎人強學問烏有也方上方下經術若無焉半出  
 半藏二十七歲奮志猶然未立四十九年非機到也  
 先聳彪形虎軀羞挺著七尺身岸麗眉大額怕說是  
 三停鼻梁打疊起魑魅魍魎面孔淘洗淨牛鬼蛇神  
 肚腸堂上人既無尊尊親親塔下輩空有濟濟踳踳  
 為子弟尚有許多缺望做父祖那得數見美祥大君

子愛也真樂共贈予小子畏焉隱憂自商樂謂樂兮  
爾有子爾有孫保艾維後憂則憂矣予不稼予不穡  
式穀無臧

琴曲 清商調繫 二五七五

凡十 二段

蓼莪

第一段 色

忽擬嵩旋擬蔚莪草蓼蓼匪美植子心痛親不得養  
芻勻勻菹芻菹莛匭勻甸曷芻菹莛五甸勻芻莛  
以死哀哀父母俱捐棄把那生我劬勞不堪憶撫幹  
芻菹莛匭芻菹芻勻菹甸勻芻莛芻莛芻莛莛四  
流涕興悲也不為親所依傷負初望子敗類匪莪匪  
勻甸甸曷菹莛二芻芻菹莛五甸勻芻莛也矣五莛





懇無窮



廿二  
筵

第四段

調血氣愛護彌殷長我惟親視寒察煖隨時辛勤贍  
養有節覆如天暮地寒熱驚惶不啻親相代愁那天  
札艱危弗伸育我殫厥慈心

筵四句筵易筵

卷 筵

第五段

哀我真蒿蔚回視那蓼莪擬匪類自暴自棄只見父  
母下堂子尚在庭除盈眸不忍移旋視依依又見孩  
孺乍離親不相隨急忙裡反覆頻相推顧復曷能已

第六段

匪莪匪莪伊蒿蔚蒿蔚長成無令儀追念在父母提

悠<sup>上</sup>甸<sup>下</sup>送<sup>上</sup>甸<sup>下</sup>甸<sup>上</sup>甸<sup>下</sup>池<sup>上</sup>甸<sup>下</sup>管<sup>上</sup>甸<sup>下</sup>甸<sup>上</sup>甸<sup>下</sup>甸<sup>上</sup>甸<sup>下</sup>甸<sup>上</sup>甸<sup>下</sup>甸<sup>上</sup>甸<sup>下</sup>甸<sup>上</sup>甸<sup>下</sup>甸<sup>上</sup>甸<sup>下</sup>  
 繫任鞠懷既屬於毛又離於裏自嘆出入腹我徒傷  
 筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>  
 悲三年懷抱不暫離依戀一體篤至恩斯勤斯二人  
 筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>  
 已遐棄難數那九我慙慙勤勤劬勞勤從親奮欲飛  
 筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>

第七段

父母恩庇終身重欲報之德恨無門子心茹痛無涯

筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>  
 淡親身已向冥漠尋德大如天莫可究昊天罔極空  
 島<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>  
 自悵蒼旻慟得顛地呼天棘人纒纒淚染衣衿勞心  
 筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>  
 團團血點涕痕憂愁無限都逐九原深  
 筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>筵<sup>上</sup>筵<sup>下</sup>

第八段 已

遙睇南山在離方烈烈高且揚飄風發發疾披拂兩

儂空向句句架也駕駕儂勻駕儂儂蜀儂蜀  
 遇相合各逞彊覩物興悲徒添恨民莫不救遇稱良  
 勻本也儂勻駕空伍駕駕勻駕勻駕本也駕駕儂勻駕  
 遭際適相戕我獨何害不終養  
 也逞色色也駕駕駕駕儂勻駕 正

第九段

只見南山律律又見飄風弗弗物理何齊悲傷難禁  
 萬矣 桀也 葛桀 葛桀 桀也 葛桀 桀也 桀也 桀也 桀也  
 辜負罔極恩民皆奉親卑遺孑身嫫嫫哀疾瞻依何  
 勻句句 桀也 桀也 桀也 桀也 桀也 桀也 桀也 桀也 桀也  
 人生來未得那卒養事椿萱徒勞樹棘薪造化不均  
 也 桀也 洵也 葛桀 洵也 葛桀 洵也 葛桀 洵也 葛桀  
 每爭恨斷腸常廢蓼莪吟誰為釋哽咽  
 洵也 葛桀 葛桀 桀也 桀也 桀也 桀也 桀也 桀也  
 三尸

第十段

雙親相繼入雲城養生不逮送死靡終疎枝難招魂  
 桀也 葛桀 桀也 桀也 桀也 桀也 桀也 桀也 桀也  
 萬里危蓀那得慰三京望雲淒霞思形色悵月悲風





痛 爹 娘入冥鄉我的 爹娘也 泣斷肝腸悔

痛 爹 娘入冥鄉我的 爹娘也 泣斷肝腸悔

兒 不能孝子 戕靡供祿養未遑親 遠違養撤

兒 不能孝子 戕靡供祿養未遑親 遠違養撤

孤 兒受盡恹惶何心天地間也不如從亡苦 浦

孤 兒受盡恹惶何心天地間也不如從亡苦 浦

目憾愴省爹問娘不聞聲響幽閉高堂哀我鮮民天

目憾愴省爹問娘不聞聲響幽閉高堂哀我鮮民天

不我 將罹災殃

不我 將罹災殃

第三段

爹娘措殺 兒男相繼見背苦萬千骨肉摧殘不肯

爹娘措殺 兒男相繼見背苦萬千骨肉摧殘不肯

與兒周全憶慈嚴憶慈嚴音容難再歿世不得見也

與兒周全憶慈嚴憶慈嚴音容難再歿世不得見也

淚漣漣淚漣漣抱恨終天

淚漣漣淚漣漣抱恨終天

第四段

天奪親年壽方五旬遽爾捐館民莫不穀俱稱慶我

獨不卒呵親不延爹行先去也娘猶撫安而今難言

獨不卒呵親不延爹行先去也娘猶撫安而今難言

獨不卒呵親不延爹行先去也娘猶撫安而今難言

獨不卒呵親不延爹行先去也娘猶撫安而今難言

獨不卒呵親不延爹行先去也娘猶撫安而今難言

第五段

我的爹娘劬勞空一場恨不肖長匪類未顯揚辜負

我的爹娘劬勞空一場恨不肖長匪類未顯揚辜負

我的爹娘劬勞空一場恨不肖長匪類未顯揚辜負

我的爹娘劬勞空一場恨不肖長匪類未顯揚辜負

我的爹娘劬勞空一場恨不肖長匪類未顯揚辜負

我的爹娘劬勞空一場恨不肖長匪類未顯揚辜負

第六段

我的爹娘哀哀我的爹娘叫不應頭欲觸墻血淚染

我的爹娘哀哀我的爹娘叫不應頭欲觸墻血淚染

我的爹娘哀哀我的爹娘叫不應頭欲觸墻血淚染

我的爹娘哀哀我的爹娘叫不應頭欲觸墻血淚染





親那去何急誰知兒疼痒孤苦何所仰中心慟欲割

如有求而皇皇苦懷我二人天何能起我爹娘

如

如

如

如

如

如

如

如

如

如

如

如

如

如

如

如

第十段

喉若咽食不甘掌日若矇難得閉寢不安牀合眼見

親叮嚀永不忘依親攀裳

慕然警覺恁地裡心

第十一段 色

雙親兒叫怎不聞胡寧忍予單遺兒子身思親欲斷

魂藥藥在棘人淚眼常沾涕痕無非愁吟

哀辭操五

盪鴛向甸葵迄五四三三鴛鴦鴦鴦鴦鴦止

第十二段

爹娘枉兒樹北堂徑不踐兮苔積藹庭滅影兮寂若  
 鴛鴦回  
 凉堂構何能主張孽身孤又苦誰與商量憂情百結  
 鴛鴦鴦鴦  
 哀緒長揚心志灰惑體貌羸疴遭遇不幸踵禍連成  
 鴛鴦鴦鴦  
 我生不辰二人遐棄眼淚汪汪

鴛鴦向甸葵迄五四三三鴛鴦鴦鴦鴦鴦

第十三段

爹娘俱淪亡兒不孝親枉讀書幾行我何曾左右就  
 養無方堪傷堪傷不能色養盼几豆亦空張不躬鼎  
 養親不享負義方立身行道恨不肖莫慰泉壤可傷  
 可傷實可傷終身哀慕何能忘

筍筴筍向筴筴筍筴筴筴筴

曲八

辭年社飲啟

窮年渴想當年窮而渴孰療盡日愁思遇日盡而愁  
須解百計莫如歡伯願邀歡於大酋決策寧傍釀王  
希浥釀於左相青裝香吏喚轉獨醒大夫紅頰老人  
扶成醉鄉太守司榼之中是素貯已拚傾我久藏除  
夕之外似陽關何殫勸君更盡石泉夜煮頃刻露湧  
嶠山玉律蚤吹連朝風溫醴水辭歲因之獻歲同人  
占大有之祥送年且以迎年樽俎消甲兵之氣不須  
雪迷臘燕入春十日真冉冉誰恋梅動僵蠶出曉一

有懷堂集 卷三  
年更惻惻雖無佳肴稔知醉翁之意賴有明水敢附  
君子之交翌日追歡已刻畢集

訂碁社啓

閒敲碁局原係清士風流戲閉茶槍自來曠人雅致  
入東籬而忘返誰云十日憐菊花飲北海而慮空我  
爲双槽續新釀何張君情深坐隱奕長有令豈王  
子僻耽爛柯同人無盟謹遵三社三八之期訂就一  
月六會之約看花聽鳥吸風嘯月暫爾飲啄住人間  
翻書鳴琴說釋談仙終擬逍遙遊物外相與舒老子  
之興勿令白髮歎疎違或暫試小伶之場庶俾青眼  
晤熱鬧時屆豐稔旣咲譚之可乘地未兵戈尤歡叙

有懷堂集 卷三  
之不禁惟望迎送脫畧澹澹不鄙菜羹所期風雨暑  
寒源源莫悵隔面凡吾社友咸赴碁盟

芹香社啓

巳秋時齒錄十三友也

漫賦采蘭香蒨池邊舊蘭譜遑題憐菊淡額群中新  
菊容黃卷青燈進身之風流如昨蒼顏白首把臂之  
意氣較親况值序齒露齒以追歡可無選芹盟芹而  
集社月惟一次既會晤之匪遙叙必百觴充咲言之  
不禁緬維諸兄塔中雁度榜上龍遊振彩八十餘纍  
纍名高蕘苑修翎九萬里若若學富瀛洲博雅如雲  
牙籤隊裡叢竹箭清滢比玉珠屑聯中剩瓊珩雖物  
換時移半返天上伴侶賴石貞松茂長作人間謫仙

瞻漢數星辰南北斗宛宛列像按書疊座次十三經  
 排排繪人秋雨泛晴應來酒槽歆鮮色霜風拂露不  
 避菜根煖故交相與為夾臺看山漪水閣上酬白墮  
 抑或為岑樓嘯月凝香亭上翻紅歌百歲百酣知社  
 長一芹一意看香永

禰著

圓圓賦



借瑤光之笑艷托明月而臨池擬海珠之重潤叩乾  
 盤以徙移列梅瓣而品雋食松顆而味瀾烘煖鼎而  
 香爽轉羅圖而星披於是璣案暮開元屏夜卷尺坐  
 不遙斗竿告淺幌寶鏡於特瑩晬璿辰於畢展渾首  
 尾之離竒環主賓之同裔圓史素忌側出面面面圓  
 圓如一串梁父銀泥雜雪膏華山玉屑飛露濺天乳  
 漩漩泛淥滋石廩鬪鬪漬紅顛獸攴蛟綃茵座豐不

及蒲團席一片英詞霏玉截瓊脂快歌裁冰倩紈扇  
若乃杲日旭光迴風引翅雄譚捧膚捷拳輪臂伸眉  
同彎翹足共位甲帳團營檀栾舞醉飲葡萄兮湛智  
咏黃竹兮趨顛臥太極兮希昊棲雲鬢兮學仙椎毛  
團兮青牛汎駕穿布袋兮紫虬遺炫襲嶮仄兮聽彼  
崎客冥峭厲兮歌我圓禪歌曰仲尼千古稱絕調立  
得一箇圓字要不信但玩時中機能時能中圓纔肖  
我輩同是仲尼徒大家請識圓圓竅鄉愿固將圓堵  
圯滑稽又出圓團跳不似宋生滾圓湍不是彌子坐  
圓轎漢有圓文曹吳齊唐有圓詩元白弔宋饒圓理  
程朱真明多圓韵王李召識得古來圓中名揆得今  
日圓內妙及圓依圓總失圓別具手眼圓始照圓史  
而今賦圓歌敢向圓社肆圓嘯

有懷堂筆目次

卷四

詩餘

共二十三闕

滿江紅

寧園新成值初度作

觀西園雅集圖憶子霞靈山會作

望湘人

題壁上漁樵

南柯子



題寧園拜石圖

西江月

戊申秋寧園三山成漫紀 二闕

百字令

中夏看月 二闕

瑞鶴仙

元宵懷舊 二闕

滿庭芳

澄夜不寐 二闕

絳都春

中春看月 二闕

壽劉父母筵詞

沁園春

春日和若園壽詞

臨江仙

壽范太母

千秋歲引

壽范太母

浪淘沙

依坡詞集社友小飲

依坡詞答子登年臺

依坡詞贈若園社臺

依坡詞贈石庵宗臺

依坡詞贈可園宗臺

詩古體歌 共三十四首

澹園十八歌

西園七歌

悲任修文四歌

不如人歌

圓圓歌一 歌二 歌三

看月古歌

詩古體行 共十四首

槽頭行

几山行

茸泉行

圓圓行

有懷堂集  
四卷目二  
寄懷行

種栢行

問月行

短歌行

懷古行

重九九友莫社行

月臨行  
月諸行

國手行

世隱行

四卷目終

有懷堂筆卷四

平水王永命劬庵著

詩餘

滿江紅

寧園新成值初度作

小築寧園又早是閒中日月那步箇鬧場都淨澹棄  
一切白鹿洞規習已冷青茅亭字摹曾熱驀驚人春  
老桃花零穀雨節 掛雕弧全相劣煮黃精半味輟  
弄泡影穩不佳千成萬結草舍浮生由來靜石牀古

籍讀去徹但臨風不禁歎轆轤憶古拙

觀西園雅集圖憶子霞靈山會作

雅集西園萃多少名賢雋傑甚風流一番目數一番  
心折博學宏辭若箇最奇材異慧孰曾絕筭清閒怕  
不似先儔恁豪撒 懷佳會興早切續勝遊韻更別  
歎靈山誰管領大蘓小轍書畫拈來千里霧儒釋悟  
去一堂偈問何時聯袂坐真巒度前哲

望湘人

題壁上漁樵

怕鬧場線索秘地絲綸不似閒人謾試柯凭掌輕緝  
勒牙重真箇手足共計百道煙波千林翠岫兩心莫  
易肯讓那樂水樂山成就今古惟二 遮莫忘却名  
利羨無些拘牽恁般遊戲筭世外野臣說甚榮華富  
貴牧奏薪蒸觴歌鱖鯉恰是食力無媿那禁他席地  
幕天陶陶鎮日沉醉

南柯子

題拜石圖

主敬千鈞肅存誠一介崇好將理學躋南宮抹去顛

有懷堂集 卷四  
顏垂紳大鞠躬 遜氣人方異貞心誰與同儀注初  
開見石翁沉靜風流飛上丈人峰

西江月

戊申秋寧園三山成漫紀 二闕

畏人僻築方成又見一巒倚郭應是山叟愛住霍始  
終玉岫高作 笏山壁立端嚴引峰屏峭超擴不信  
山情恁落拓芙蓉到底三削

又

失記三山舊稱於今嘿地相掠城南居近五雲閣想  
見幽人捉摸 不必青天半撐端由白石全橐嶺岈  
洞內好歎薄題盡大丘小壑

百字令

中夏看月 二闕

屬天絳氣散清圓座見雲屏布潔素質流霞涼似水  
浸入瑤臺玉闕光度薇花亮披蒲艸團扇兜風結寒  
垣一嘯問君何處延熱 應念山海經年千里同照  
肝胆盡冰雪記得繁炎篩竹影清夜蘭香齊擷珠斗  
斜傾銀河倒注永矢嶠樓月故人逸興憑高醉舞還

切

又

素娥憐冷暑風輕  
淡淡銀波漾綠炎  
淨爽生驚照耀  
浦座明陰初沐  
百彩爭宣雲奔霞  
湧飛過虹橋屋更  
無繁氣龍吟聲徹  
橫竹誰共勝友邀  
光珠璣看瀉似山  
頭鳴瀑榴影穿觴  
分桂魄莫待秋露  
千斛何意嬋娟寒  
熱一度偏照會心  
足今夕同醉年年  
長倚冰玉

瑞鶴仙

元宵懷舊

二闕

珠簾垂靜苑正上  
元春濃慵色先判  
火鼠燭龍可是  
當年料興卦池題  
遍穿雲度雁見擲  
地金錢又亂笙歌  
迎過望三停層張  
羽伶宮縵堪看城  
頭影裏香雪園中  
多少清玩蘭麝輕  
喧遊人笑聲未散  
燈樓兒滿眼沿墻  
逐隊撻迸着角樓  
兒斲換憶殺那舊  
社風光何日重見

又

西園斜帶郭歎火  
樹曾張舊情飛躍  
花燦石明一派

開蛾繡成虹嶠山角衣裳淡綽轉燈兒城頭早掠逐  
歡場盡日詩篇緩引春醪無卻 猶記魁明吐焰苦  
炬散花文光放燐到處心恢嬉笑醉遊三閣待歸園  
幾曾休歌罷舞仍管領夜光同樂筭昔日恁般騷壇  
忍教錯落

蒲庭芳

燈夜不寐

二闕

寒峭春風躡躡夜蹠客散情慵黃昏殘燈自爛疇鼓  
踏芳痕撻疊枕函被裘睡鄉味欲去無奔那堪更穿  
雲火雁陣陣轟耳根 猛然心地熱千頭萬緒箇中  
殷殷任輾轉思眠竟不存盼得曉光到曙再不悵夢  
中廝渾還生怕棗心酸目今夜衾難溫

又

紅炬初微綠烟漸炮闌散莫問燈紗逐香興懶贏得  
夢魂賒勉支持半夕華胥國且自忘嗟誰料取惺惺  
寤寐目硬聲呀 學僧入定去犁嗔戒慾絕意紛拏  
強閉口淺些話答怎禁睡魔輕搗瓷枕上不耐梁車  
直恁般東張西抹撐得眼巴巴

絳都春

中春看月 二闕

清陰似練恰還是去年花朝重到連嶁乍輝空洞爭  
明虹橋道城頭峰上織阿小趁春夕餘光銜照西廊  
肆亮東皇歛霧快瞻嬋表香裊寒宮羽樂羨雙闕  
翠靄三山煙縹幾度徘徊花間月澹恣嬉笑任他皎  
魄年年報更莫待春殘鶯老醉吟露下猶恐明星破  
曉

又

寒光敞艷值芳藹圖春梨花開早桂黛含香翠靨凝  
青瓊樓杳春宵又道千金好向問月堂前流皎漏籌  
伴飲彩毫鬪句融和風繞輕悄清明候巧看玉繩  
低度夜光清挑月格烟姿指視人間團圞樂石稜坐  
戀星娥姣慮隱隱光微華少隨時歡叫休把春月負  
了

壽劉父母筵詞

燈明月皎喜姑嶺花燦上元春早鳧舄輝飛清輪新  
碾平泉道鰲山初過蓬萊島冰雪姿藜光銜照南山



有懷堂集 卷四  
翠映德音流長黃耆頌繞 仙僚詞郎應表看人天  
瑞靄慶來青鳥長庚忻歷卯萬姓同歡咲堯階老人  
祝辭小纍纍多聲不了佇登蕊殿五色龍綃縹緲

沁園春

春日 和若園壽詞

西母軒開上元婢過瑤池觴初甚蓬山忽覩王公東  
涖笙歌鶴背輕造雲廬雪藕研冰霞棗歎火纔傳呼  
麾蚩駭愚龍團液恁消受不疊遑問藏蘓 仙靄翠  
展清疎恐凡鳥題門青鸞瑞狐耍曼倩無訕舍人有  
鑿騫翁花泛阮郎月鋤豈容逗蹠春蘭拜佩迴避先  
生敢慢吁還凝望怕仙醕未許一意奔邾

臨江仙

壽范太母代

思媚堂前歌聖母范氏昔訓昭然徽聞嗣起潑新鮮  
服初疊五臈紀盛應千年 就養揚名多蘊藉懿型  
理學堪傳慈闈未老紫雲宣得真食栢子浮碧勒松  
箋

千秋歲引

壽范太母代

翠島瑤觴西崑玉  
籥鶴背笙歌下青幙  
雪藕燕銜臘  
筴嫩冰桃鳥貢先  
春灼素娥籌金姥  
筭長如索  
幾  
葉蘭馨階砌託  
幾葉杏芳春  
苑燁疊就葶幃爛彩樂  
在昔猶疑閨孝事  
於今始信奉姑酪  
麻姑罇雲母池  
長生藥

浪淘沙

依坡詞集社友小飲

興來促膝飲同舍  
莫厭樽前醉物春  
度芳菲花滿座  
吳吟暖送青壁兒  
郎轉喉香毬按拍  
梅落驚殘雪  
文星酒星湖館翹  
然名傑樂惟清商  
一部伴人酒缸  
波穿春快發河橋  
酒幔不愁杳攜酒  
共攀漏滅雲僧  
碾茶舊時滋味  
侵侵生白髮  
波搖杯中崑崙  
山上掛月

依坡詞荅子登年台

月陟崑崙啣小苑  
靄靄千峰人物故人  
南山風處落  
香蒲石屏曲壁興  
比稽康詩嫺沈宋  
漱齒清如雪名  
動天邊冠盡歷陽  
豪傑吹來漢上清  
詞伊川月序

芳菲競春發妙撮峰霞入箋中羅綺山色未減積翠  
瑤光連潮海氣天才爽毛髮五雲身近水精簾外待  
月

依坡詞贈若園社台

記得當年共試轡忽覽晉詞風物介沽衙邊醉桑落  
堯轉棠橋旅壁僕馬縱橫琴劍出沒倒捲迴峰雪舉  
子笑指岐路不測豪傑猶念如許清泓多般爽氣  
捷句風霆發三十來同客伴往返馳星滅紫塞白  
沙黃山藥水相對咏華髮歸來槽句不但中冬看月  
依坡詞贈石庵宗台

早歲成名符初授政事妙能及物淮陽睢水流澤哺  
砥柱天南邑壁簧口無端丹心有濟不畏凌霜雪栢  
鄉掄才吾党最多賢傑猶記名揚魁次文彪獻冊  
抵掌秋雲發廿一族中三英粲歷歷同榜難滅過躄  
急流節比五斗誰引千鈞髮蘭棣疊馨相對同分煙  
月

依坡詞贈可園宗台

文滿空山慙取徑莫歎蹉跎英物香灑天風珠璣落

應重東觀西壁春色澄鮮虹腸直瀉粹氣瑩如雪多  
少沉修壓盡昔時雄傑 只須白墮濡毫紅歌翻拍  
舒卷因風發指點銀餅索酒甞不問向來興滅論交  
新詩欣披藻色流爽清毛髮高處馳情把酒青天嘯  
月

歌

澹園十八歌

做廬嵩山體

樂檀齋

園有檀兮下維籜頽莽薜薜兮勿奪却嘆芝房兮蕙  
薜潮蘭簡兮蒹砌蕙薜蘭蒹兮樂檀齋融融鬯兮溶  
溶堦中有人兮坐漢陰古爲酌兮今爲斟澹澹中懷  
兮不可尋

雙梧石

蒼丘嶽兮嶽石踦嶧隗霄霓兮由來也芳駒儻兮蔭

有懷堂集 卷四  
龍蔥桐株分影兮列西東分影嶂隗兮雙梧石斗辟  
鄰兮茵無斲若龍噉兮若鳳猺石遡風兮梧凌日願  
言介翠兮恒相匹

曲流

水潛宕兮漱潺湲北渡回兮徑流難順長道兮去復  
還一派旋折兮花石塹旋折復還兮號曲流波珠連  
兮任依游何以樂水兮載酒過探杯行唵兮學歛歌  
成章還未兮不我苛

穉巒

磊崢聳兮石徑隈蹠鼓堆兮肆風恢莫謂嶢岵兮勢  
大鬼若奔峨兮岩崑嶸岵奔峨兮僅穉巒攢雲巘兮  
巖嶺岈突嶽骨兮驚巋俗不煩借山兮御神鞭忽忽  
醉吟兮崑崙篇

翠巘廬

峒嶮虬兮蒼翠尋珠崖嶙兮氣拂森陟鬱岫兮葱倩  
唾藜壺兮抗駸葱倩抗駸兮翠巘廬方攘攬兮俯仰  
舒臥窺黔界兮海眼同洞庭飛龕兮石耳重疑碍漢  
兮棲浮空

陸舫

擬長流兮放綠艫綠樹杪兮繫青戩星槎岸兮殊槩  
燥風帆卸兮少蓬報帆卸槎岸兮恰陸舫憶清歛兮  
歌絕響貪瀨漲兮無相揭細流涓兮清汎徹學畫船  
兮漫拋鐵

雅琴洞

靈籟蕭兮吹雲葉壺丘闐兮素絃接石磴鼓兮紫鳳  
賓青霞縵兮蒼龍吟龍吟鳳賓兮雅琴洞三湘播兮  
悠然弄山欸竹兮水漱玉霓裳廢兮繁音數大雅流

徵兮太古曲

夾峰臺

遙睇山蓋兮屹崒連峭挑靖嶮兮畫兩邊雙闕嶮峨  
兮雲峴三微崇峴兮霞巖崒嶮中開兮夾峰臺太華  
臨兮紫霧來縹緲御兮致脩脩逐子喬兮望唐陶仙  
襍聖筴兮互相招

漪水閣

挈雄虹兮懸棟峨排峭石兮高凌阿藻澤渙兮淪滌  
素鱗起兮潭泓泓潭滌淪兮漪水閣靜洽鷗兮潔浴

鶴臨高賦兮雲烟瀆不敵瀏泉兮清且沄濯濯匹練  
兮水面文

似堯軒

綏山度兮易桑田龍門影兮鬱時年解傲人兮候相  
乘挽物華兮屋猶仍物華傲人兮似堯軒不羨武陵  
兮春色掀軒有幽人兮數桃葉花面一兮歲光擘丹  
艷赭赭兮樹頭筴

綠煙亭

輕雲度兮翠影齊微風牽兮舞態迷新舊舍兮池居  
中絮花飛兮楹在東含替飛絮兮綠煙亭露滋濃滴  
兮色青青橫笛吹兮引鳴蜩襲遠聞兮聲嘹嘹垂垂  
春花兮擺生綃

君子林

紫苞鬱兮石岸春苔痕翠兮短牆根漱淇園兮清修  
藻渭川兮卓流清卓軼倫兮君子林勁柯森兮團戀  
陰垂琅玕兮鳳來期引葛水兮龍作枝離離青節兮  
凌霄竒

迴塘

倚岸開兮綠水池  
兩渡滌兮湖橋鼓  
潮游湍兮屈盤  
皺淪波兮生瀾  
波皺湍溯兮泳  
迴塘四面漣漪  
兮閣中央  
水痕清淺兮盈  
尺餘露走荷蓋  
兮萍狎魚東注  
西漱兮湛湛居

長廊石几

糺虹垣兮飛棟懸  
搯虬項兮蟠柱  
挺晨霞逐兮綠  
芊芳午涼微兮  
白石匡白石綠  
芊兮蒨長廊雲  
擁紫兮月裏黃  
主人目製兮心  
不徙艸引蕤兮  
花翻旒風生  
薦爽兮倚石几

杏苑

紅瓊襯兮佳色  
晴春從上林兮  
點絳猩傾翠蓋  
兮灼纁蕢績藥  
兮流雲蕢績傾  
翠兮杏苑薦燕  
啣春歸兮詩人  
見文館開兮丹  
凝片香徑採兮  
蝶驅電依依輕  
烟兮曳赤蒨

梨花深處

玉蚪綻兮花榕  
下銀海澄兮瑩  
姿亞雨雜兮驚  
霰霜風度兮減  
粉妝霜霰妝粉  
兮梨花白深深  
大谷兮澹容額  
無將蝶亂兮棲  
林樾玉黛芬兮  
暗香醇中有素



心兮盈枝發

晚岑樓

雲橫菱兮射槩慳對博西峰兮上凌空眺晡影兮日  
斜飡落英兮夕霞飡霞眺晡兮晚岑樓遥揖仙蹤兮  
一望收白日矐兮西陽歌暮烟靄兮爽氣多目窮流  
極兮汾海波

忘機墅

南澗藻兮勿澆樸西池漱兮從所欲汲靈液兮玄慧  
寔葆愿真兮敦素楹冥慧楹素兮忘機墅漢陰去兮  
疇與處駕言隨兮逐之嘯鷗鷺靜兮常相召噩噩醇  
龐兮仰面笑

西圃七歌

做少陵體

有客有客倚洞者琴聲未播孰規雅有時躡級遡雙  
峰旋爾穿波遊別屐得真忽逗湖山外遙闢翹然橋  
一帶軀殼漫勞寄處求置身上際心狡獪嗚呼一歌  
兮歌始開嘯臺逸緒從中來

二

父兮母兮供東堂 彤綸昭異案銜香獨悵少違帖  
與峙立身不早昧顯揚頂巾傳家學誦讀屢上公車  
空束篋叨部妄擬邀 新函祭田猶是羞微祿嗚呼

有懷堂集 卷四  
二歌兮歌氣懣明發有懷栢葉繫

三

有室有室帔無媿事親閑家不言瘁米鹽襍治必躬  
釐教子撫孫持重寄燕邸抱疴還故家胃氣稜稜動  
惹嗟踉蹌終荷齊體效不是殷勤幾話巴慰安切切  
晨昏共薄宦風塵間行衙嗚呼三歌兮歌音節鷄鳴  
雅話從今說

四

有子有子讀父書難言家訓偏荷鋤一般策身學入  
籍藉管方聯珥筆初文章本爲科名課但得承顏萬  
足賀幾見詩禮舊家傳大節小心容或挫嗚呼四歌  
兮歌思遲雲靄芳蓀左右枝

五

有孫莫使弄文竒學力妍時性不媿辨志原從弟子  
豫荒耽每自父祖嬉昔言詒謀勿輕傲無忝在德不  
在貌七葉八葉坐隔屏一堂四世詎云樂嗚呼五歌  
兮歌力揚勉勉本支未易長

六

有懷堂集 卷四  
園有檀兮甕有醕酌酒與君咲眼開狐狸穿垣非今  
異腐鼠嚇人自昔哀見有長虹倚石閣南山逸韻遶  
橋脚低徊漫翻霓裳音看月堂前銀錯落嗚呼六歌  
兮歌未艾淋漓浩氣彌函蓋

七

有朋有朋文章伯矯矯道義腸共額等閒抹倒千丈  
霞轉眼迅揮萬言策年來聚散隔風塵病蠹依稀冷  
故人矢意大儒千古舊拍手小兒一時新不道劔袍  
青夢訛早知面目白晝真嗚呼七歌兮

歌已終薰風  
纔過又秋風

悲任修文歌

四首

我所悲兮在喬木檜未參天訝早暴龍株百尺引遲  
遲虬芽一枝折速速地困天老殲長梁日曠風霾悵  
短竹我所悲兮在喬木巷咨里嗟未已哭

二

我所悲兮在斗闕北街未曜光欲竭漢章自應煥天  
人星殞何緣促日月罡風墮壁愁湮沉彗氣蝕文嘆  
袞蹶我所悲兮在斗闕辰飛宿暗英彩歌

三

我所悲兮薇之落堅貞何事氣先掠命也焉齊才更  
才數之不一稔忽稔栽傾誤疑培覆因短長謬滋美  
惡薄我所悲兮薇之落朝華夕秀果奚若

四

我所悲兮垣之仆無端摧折云胡救秘文豈應忌文  
舒謫宿或宜歸宿驟不援今昔別愚賢顏子詎讓盜  
蹠壽我所悲兮垣之仆桐枝竹蓀門依舊

不如人歌

甲午

不如人不如人人中列人不如人如人須與宗天地  
父天母地我何人如人須與戴君親君義親恩我何  
人不信但看人道主鬱鬱蒼蒼固此人不信又看人  
倫彥樂樂愷愷亦此人人人俱謂人道重我修道時  
不如人人人又謂人倫盛我明倫時不如人先言道  
人不人超賢入聖人之人三才並域原非夸絜乾儕  
坤頌完人人道自有真才分我不能時不如人繼言  
倫人不人光前裕後人之人父母俱存無限樂兄弟

無故不忤人人倫自有真性際我不能時不如人吁  
嗟乎不如人拈得人時媿殺人建言樹德任人做淺  
效薄植亦不人近霄逼漢由人至循塗登塔亦不人  
暢天樂性聽人詣順志怡情亦不人令聞廣譽憑人  
著清藉織名亦不人吁嗟乎人不人無乃憤而翹人  
上之人人上之人何如人正誼明道僅此人但從上  
中尋無上莫將不如過徇人抑乃轉而逃人外之人  
人外之人何如人仙釋道逸均此人既以人外思無  
外不如人時外非人吁嗟乎不如人上人不可作人  
外豈名人失却耳目口鼻真面目不如魑魅魍魎猶  
爭人除却視聽貌言真作用不如牛鬼蛇神尙驕人  
人道人倫既畜矣怠棄殘苦不復人世多少群人  
望我不如時總不人不如人敢混人福今拙今自認  
人不如人敢襲人糾只傲只獨率人但看人紀在人  
心我不如時原非人不解人理越人情人不督我不  
如人不如人不如人我其言念桎梏之人不如人不  
如人我其寤寐羲皇之人

圓圓歌一 巳亥

云胡樂云胡樂樂在杯中漫自却任是廟堂行道人  
酣到流觴都大噱可知妙事惟流觴滾入圓圓無已  
酌圓圓飲蕭當下噴動飛悟偈醮行爵詞腸不厭酒  
力多一石八斗酬相若青眼白乳辯未真止見黃流  
先生醉透菊釀香留萼和梅酶春在勺滲竹清平涼  
釀泛雪瀾欵冬約品殘寒燠溫栗澄新醞拋盡腐酸  
澁涸漬舊粕傲他放瀆睨蕩襲今狂善我韵淡雅雋  
倣古譁廓廓耽仙酪眼大世藐圓智綽拓拓飲

有懷堂集 卷四  
長杓量高天低圓興躍恁還行靠坐立笑舞吟拚歸  
嚙嗑貪吞噉呷嚼君不見桑之落而黃而隕不可藥  
有酒當醉昔人言昔言刺聽省還慢大家冒膺癡酒  
徒笑認圓圓可共托

圓圓歌二

笑矣乎笑矣乎百年浩氣寄醜翻天地爲主渠是客  
澹澹杯中謝蘧轡上下千古轉眼事些子認真便糊  
塗圓集冷落忽一載醒語誰從座上呼不爭失却白  
墮爻縱言惺惺祇自茶而今撻起圓圓興騷不嗔顛  
貞不膚欲醉心問屠蘓觸醒眼把駱奴孺子歌聽飲  
吳醉言舞爲銀鏤遂却口耳心眼諸般快驅盡貪厭  
鄙頑數種汗莫嫌酸甜苦辣時唐突且當郊廟朝饗  
日大醕沾沾傾百壺圓醉從來喜模胡都都都上



眉鬚圓飲今日計不迂饒伊詩詞歌賦記說序難停  
杯醖椀竿觶瓢觚君不見山有樞今者不樂日已逋  
宛其死矣他人事唐風咏此語豈粗我儕同坐唐風  
老快覩圓圓蟋蟀圖

圓圓歌三

不堪哭不堪哭愁煩未除酒力蹙世上多少難平情  
咸借山人掌一翅不信但看醪醖家醋可嘗今巾可  
漉我憐甕淥色倍鮮寧向春曹嗟未熟飲興源源行  
復唵酒喚詩魔句恁速咲他臨池酌水長不及圓席  
圓觴復幕天休酒星覆漱地澤酒泉沐駁唐諺佐醖  
菽翻宋詞勸盃肉嘗過清濁醇淡種種酷捧出騷雅  
竒正人人腹誰留遲蚤忙閒千日醅動邀夢覺迷悟  
醉鄉福祝祝祝祝口懸斛圓友不與婦言逐復復復量

有懷堂集 卷四  
猶瀆圓歌不計百千日平盡喜怒感憤愛鬱舒銷磨  
革匏金石木絲竹君不見林有鹿進退皆窮歎如谷  
怨尤到此殊多憂愷樂飲酒何不淑願言愷樂換長  
年瀟洒圓圓歌數幅

看月古歌

甲寅

我在遼西灤水灣西看明月憶姑山月出姑山連東  
海照人千里徹榆關黃臺頂上月華白此中忽見姑  
山客姑山冰雪槩引予清吹直到長安陌長安月霽  
動堯天姑射臨風舊嬋娟豈料阿家懷我夜恰是我  
來望阿年望阿喜見今如願明歲未知誰克徤遮莫  
拚醉甕頭清水輪當筵先我勸水輪似雪更如霜朗  
浥星河攜鴈行霜雪不渝素相矢肯將駿隸溷清光  
清光到處涖雲關一例中分任冷咄共眺蟾臺歌影

娥年年長看姑山月

行

槽頭行

杜康昔製槽頭醲半巘今作槽頭曲  
槽頭主人醲承觴大聲欲和氣  
忽促西崑醜窟凍雲流不沾槽口瓊涎觸  
迅吸引風若可攀醉壓瀛洲歡情屬飲仙腹內  
撐珠船珠瀉泉飛恰湜玉挑脫辭賦信口占  
誓將騷致酒池浴嗑轟夜半龍吟長  
鱗谷春滴蟻色渌雙汊汨汨似懸河  
倒浹層層耳泉續小伶轉調按宮商  
嘯餘元聲差不俗文章迴舒珊瑚斑  
鸚鵡筆送陂池醲

有懷堂集 卷四  
碧瀾左右任折旋紫燝煙沸漫超超長春會共飲褰  
裳天液夜光不可贖追尋東魯南湘豪臨池滌器同  
人勗極醉爲限文業歌鼻納心迷飛觴數酒帘濛汜  
紛如馳扶起雪腸書佛錄莫輕糟粕幕裏虹千日中  
山留芳躅豈同趨藥上狂瀾好古情快逸興束願從  
青蓮林下風醉鄉趣味矢弗告君不見燕市雪液日  
饜沃飛泉百道猶不足曷似雙峽小流清煙騫霧捲  
槽瀑潄又不見薊門流膏曾沛綠晴翻雨過遙天曙  
玉壺冰疊千層浮良朋卜夜傳

新燭淋漓賦就槽頭  
行能引連城瓊句不

几山行

穉巒千里夢魂馳偶向几山小構移振古河山几席  
視云胡流峙不若茲茲爾崦今憑手刪環環石眼水  
一灣飛來峭岌連山立水動峰搖几弄山山勢參差  
窮目外坐中竒佺逼華蓋霧騰波興指顧間魚躍浪  
翻不必大大上雲松古貌留虬蟠鶴舞鳳旋頭凍青  
夜合聯春草林樾陰陰叢岫稠稠巔煙樹眇三分玲  
瓏珠色起氤氳山靈相假還相慰卷石勺水自生雲  
雲連方几靄龍盤片石鍾山理同安任是嵯峨由積

石上行弗肆下浚潺潺出如畫度來影摘取巧黛恰  
合景不道生成冰雪姿寸巒點綴橫几冷冷然佳致  
繪圖開巖崑岑傲長嶺蒼松怪石留人眼盤塘曲  
曲襯紗裁裁成畧岸向誰題可與當年翠巖齊徘徊  
瞻眺四濛註小像岫嶺入望迷迷蹊宛宛殊耐着一  
室天地饒清玩我爲有情仗茲消雲山靜對延几案  
君不見卧遊五岳逸情艷據音何若據形驗又不見  
吟徧三山豪興戀任口寧似任目便解得石丈拜几  
前志切移山我亦顛

甘泉行

寧園飛瀑布錯落引峰前不自西源瀉恰分東注瀧  
西源東注遶山行勢若奔流趨下傾漫引洪波與細  
派耳中早聞湍浪聲湍浪聲急聽較宜海鹹河淡性  
偏移怪得主人噴水味不合於旨費厥思我思旨水  
須新汲拾得紅渠似蜜汁人人俱道城中泉十箇九  
箇多苦澀苦澀誰將地氣換虔心莫被人言亂古來  
多少甘泉詞羊舌馬跑近里諺里諺流傳情最真風  
發泉湧告龍神建祠賽禱未云至滌慮積誠數經旬

有懷堂集 卷四  
數旬精白徹雲右徙倚停穿泉欲透夙戒工人莫浪  
言一朝忽把靈齋漱靈齋漱時客滿堂玉盞盛來取  
次嗜首坐一聲聿露降悉拱主位賀聿觴主人入口  
懷方慰不是諛言隱已諱髣髴郊田東西灤城中城  
外語蜩沸蜩沸不關人語梗兌見城多聿泉井我今  
幸叨水龍仁賦就聿泉殊自省

圓圓行

圓聚何能久久在澹於爻爻澹澹如水偏宜水邊西  
纔張元璣圖又轉元衡斗斗掛酒星頭圖按酒泉手  
麴部大地天圓釀振古有圓如合玉璋圓如園石鈕  
滑稽不亂情神明不膠守讓他近世圓波逐隨人走  
破觚襲圓非剗方慕圓醜彼無圓圓真強圓圓已苟  
所以圓主人圓社結來陡爲我俾圓几爲我傾圓卣  
忽而填圓詞忽而和圓嘔有客摩圓膚有客開圓口  
不輟東山碁不停西園酒千觴須滿三十醉恐醕九

有懷堂集 卷四  
飲若川之吞醉似源之溲欲效百篇長先伴百斗偶  
君不見竹林昔豪圓圓興從何抖又不見洛社群英  
圓圓情共誰剖我今賦就圓圓行圓到圓時同不朽

寄懷行

貞懷矢樂群已醉園中酒雅意重別離仍思執道手  
何當屢浣顏漏盡先偷走題橋羞社銘按劍媿霄斗  
豈是延津岐追尋亟肆吼長篇代送言不啻韓歐口  
情至還餘情今古胡先後遙謝分袂詞相失予多咎  
函辭傾餞觴沁心君知否澹園眉日遠寧園趾日牽  
幾時閱劇飲何日倚嶠眠鬱處真如鳥索居酷類禪  
得句夢素心失伴撫青氈辜負中冬月豪情兩地懸  
君詩滿新篔我愁沉舊舡轉眼元宵近疇賡八卦篇

有懷堂集 卷四  
西方美人思願惠綠藤箋

種栢行

嶧山別寄軒中客遠意惟歆東面栢睇望馨祠浮若  
煙翳鬱流靄自今迫十年樹栢無人見好向栢子植  
方面轉轉行行月撒圓得真一似薦真禱只今弱幹  
傲塵客茁茁生機芟氣濃君子耐寒過衛竹大夫雖  
賤駕秦松隔垣蔭色彌天看西圃青葱一脉換果是  
園公雲在亭翩翩翠葉援手腕開山種藥又種栢栢  
拱岑樓調清瑟妬殺桃杏趁春陽南山石徑推蒼拙  
南山橋上白石寒漪水閣下流澌灘主人樹橋兼樹



有懷堂集 卷四  
栢政恐蔭衰行路難爲栢慷慨歌莫停迎眸誰是色  
青青百計樹人先樹栢翠濤風襲香蒲庭君不見栢  
馨祠寒玉嘶風由今孳我今賦就種栢行願寄將來  
音樹思

問月行

太白昔製問月篇半巘今叙問月屑問月會照古今  
人應知今人情較切一年幾見月留情寥寥祇與中  
穉結窺窗瞰戶穿林廊零落清光任眼瞥清光噓人  
意何周不拘窮達共憂悅清光隨人時何長不問治  
亂併寒熱古人月咏自森森無句不揚月雙絕暑影  
霜姿在在佳止未明將中氣列中冬春夏幾紛紛應  
訝迂儒恣添諛迂儒亦曾倣古人敢增軼事駕前哲  
故人誰令把酒吟勸酒千里笏山咽舍人誰和顧兔

豪老兔當牕虹嶠擷按事不僅古今同奈何復爲太  
 陰折嶸山社友正多思中氣平分向月決月氣應有  
 四時新問月堂前代補缺月盟願有百年貞問月同  
 人霄漢揭

短歌行

對酒當歌呼客共讌咫尺槽頭風翻欲見一解園公倚

轡石丈稽額安得名豪快同逸格二解火烘日暎暑氣

難停清涼佛國疏氣怡形三解蜃氣拂雲蟻陣轟道性

有攸區莫詫物倒四解刻舟弗嗔膠柱休顧心焉數之

無容或妒五解清淨上乘胡爲雲擾日月其除惟憂用

老六解芝蘭勿僻蕭艾無訖愛憎研慮厥德懋修七解烹

鮮有甌炙兔惟燉良朋肆志樂彼朝昏八解

懷古行

真人相求霧除雲歛感賦獲心興懷不忝一解宜安爾

宅厥性可馴靜以養志名言循循二解精衛東銜靈爽

西邁透闕朝宗留茲眼界三解蕪而不劇婉而成章不

怨不憤日就月將四解留語移坐供音滿楹伊人既往

俾我心醒五解預謀既難前筭亦昧萱艸鈴兒詩言不

背六解殊塗併萃同川反異古昔興嗟綦難遂志七解楷

株啣懿模樹集休楷模先聖心乎用抽八解

### 重九九友萸社行

九月晴雲日度九菊花槽底漉新酒酒清花發節氣

高亟向澹園招我友我友舊是陶子倫桓公孟公號

比鄰坐中陽數特神妙主客穿觴恰九輪客來指視

屬山麓樓級峰臺次第逐片時眺盡東西臯寧待十

日始憐菊轉堂飲興較軼前媿乏如澗馨似泉不是

虹橋戍申句唱和還說玉菴篇美人去後詩無色漫

序小試同年刻賴我好友共流連等閑暖就晚花則

秋風騷屑鼓興豪醉倒金樽莫厭勞吾道千秋忻未

有懷堂集 卷四  
陸文章逼漢拍天毫不謂佳節歲難遇連朝陰雨爲  
君住相看疇是少年行投壺打馬胡驚顧烏啼葉落  
籬采黃三九重逢蒲苑香登高莫憶明年健眼下須  
看頭上霜五簋誰開久不變率真良會殊堪羨早知  
次日雨霰霰悔不呼童翻夜宴張子題餽忽報新秋  
陽雅調慙效顰却咲園丁無置喙揖賓果是捧觴人  
君不見乙巳旦重九聯吟壁彩爛八公時號八詩人  
屈指流光景物換願君珍重醉霞身遮莫有酒歌泮  
真

月臨行

月明一何長月臨一何光臨巨統天地臨細盡屋梁  
昭昭臨汝案發發臨汝牀欲來不因人欲去不留行  
幸臨以欣欣淒臨以惶惶欣在浮雲霽淒在素影涼  
浮雲不足託素影不足傷但願月長臨低徊漫自商

月諸行

乾坤列兩儀振古屬居諸居諸職分照諸更佐居除  
光華闕中天堯舜其病諸高朗違海嶽山川其舍諸  
曠蕩太陰色盈虧炳厥初將附千里光殊令沉懷虛

有懷堂集 卷四  
聳身從諸去慮寒意早祛寄語託心者莫謂月在渠

國手行

近世國手常不偶國手須從上國走長安名醫森若  
叢翻倒岐黃舊腐臼吁嗟客病偶如麻胃氣裊張痛  
已賒遍飲春壺甘露屑我瘡未瘳祇自呀龍潭嚙水  
勢豈竭還將積咎訪前哲低徊旬日怪如初應是坎  
疴蠹綵纈愴忙不用客心忉轉盼試問吾里曹歸來  
筍味隣香拌撮起家常寧任淘家常草味舊甞熟不  
似清補別注麓寒溫遲早着意裁丹竈之成研砂粥  
丹砂曾聞列仙成嗣茲覓見砂還生豈是真人修道

處羊縣藥樹果如檉陰符原自中庸得活人詎必上  
池則試就活人心與手鍊成拯瘼膽共力况屬三世  
妙家傳陰氏甘泉疇與先醫意盡從誠意發長杏林  
下鬱華年祇今汾上活人穗不是國手敢妄覬繹思  
今昔原無間春生下里弗庸避君不見古抱朴活人  
濟衆在掌握到處恒存利世心應從手指證先覺

世隱行

憶昔侍立嚴親側採藥烹芝留惠色惠色芳馨匪等  
閒不自葛洪韓終得於今屈指四十年有子崛竒稱  
象賢久向姑山高世隱近從海外獲真傳豫楚遨遊  
試清筭遍布名方人不異歸來托趾在新城半紹世  
休半行志吁嗟曠懷果逸人利物滋生不計身內修  
外養靜而遇傳家繼脉動以仁君家醫學超俗界豈  
類懸壺將藥賣景川春眺拂鍊丹一聞舊友稅車快  
龍津挈術澆塵痛力挽瘡痍如手送不是一番掌中

砂仍錮長安抱藥甕藥甕汲來似有靈旬日括盡素  
問經雪筍果有浮茸水枉說橘井晒囊青君不見東  
垣祀妙濟人間香滿芷脉脉姓氏數代來成就世隱  
媿新美

